

**Nunaqarfinni tulaassuivinnilu tunisassiorfiusuni tunisassiorfiit uninngaannartut
namminersortunngorsarneqarsinnaanerat Royal Greenland A/S-imut
namminersorumasunut akiusut tunngavigalugit tuniniaanissaq iluaqutissartaqarnersoq
Naalakkersuisut Royal Greenland A/S peqatigalugu misissuinissamik
pequneqarnissaat pillugu Inatsisartut aalajangiiffigisassaattut siunnersuut
(Saqqummiussisq: Inatsisartunut ilaasortaq Knud Fleischer, Kattusseqatigiit Partiiat)**

pillugu

Aalisarnermut, Piniarnermut Nunalerinermullu ataatsimiititaliap

ISUMALIUTISSIISSUTAA.

Siunnersuutip aappassaaneerpeqarnerani saqqummiunneqartoq.

Aalisarnermut, Piniarnermut Nunalerinermullu ataatsimiititaliap suliarinninnerani kingullermik ilaasortat uku peqataapput:

Inatsisartunut ilaasortaq Aqqaluaq B. Egede, Inuit Ataqatigiit, Siulittaasoq
Inatsisartunut ilaasortaq Hans Aronsen, Inuit Ataqatigiit
Inatsisartunut ilaasortaq Hans Enoksen, Siumut
Inatsisartunut ilaasortaq Finn Karlsen, Siumut
Inatsisartunut ilaasortaq Karl Lyberth, Siumut
Inatsisartunut ilaasortaq Michael Rosing, Demokraatit
Inatsisartunut ilaasortaq Peter Lyberth, Inuit Ataqatigiit

UPA 2012-mi ulloq 19. april siullermeerereernerup kingorna siunnersuut Ataatsimiititaliap misissorpaa.

Siunnersuutip imaa aamma siunertaa

Siunnersuuteqarnikkut kissaatigineqarpoq nunaqarfinni tulaassuviit tunisassiorfiillu uninngaannartut namminersorumasunut akiusut tunngavigalugit tuniniarneqarnissaat Royal Greenland A/S-imut iluaqutissartaqarnersoq aamma kissaatiginassanersoq Naalakkersuisunit Royal Greenland A/S suleqatigalugu misissuineq aallartinneqassasoq.

Siunnersuutip aningaasatigut kingunerisassai

Siunnersuutip aningaasatigut kingunerisassai

Ataatsimiititaliap maluginiarppaa, siunnersuutip piviusunngortinneqarnerani aningaasatigut allaffissornikkullu kingunerisassat pisortanut aamma Royal Greenland A/S-imut killeqassaqisut.

Siunnersuutip Inatsisartuni siullermeerneqarnera

Partiit akornanni siunnersuummut akuersaartut amerlanerussuteqanngitsut maluginiarneqarpoq. Siullermeerinermi tunngaviusumik nunaqarfinni tunitsiviit nioqqutissiorfiillu uninngaannartut Royal Greenland A/S-ip tuniarsinnaagai isumaqataaffigineqarpoq, tamanna suliffeqarfiup kissaatigippagu. Taamaattoqassappat tunitsiviup/tunisassiorfiup niuernernikkut piumasaaqatit aallaavigalugit pisisup ingerlassinnaagaa naatsorsuutigineqarpoq.

Allakkatigut saaffiginnissut

Siunnersuut pillugu atortussanik allatanik Naalakkersuisut Siulittaasuanit Ataatsimiititaliaq tigusaqarnikuvoq. Atortussat tassaapput Royal Greenland A/S-imit allakkat marlut, tunitsivinnik aamma tunisassiorfinnik uninngasunik peqaratik ingerlatseqatigiiffik allakkani ilisimatitsivoq. Ingerlatseqatigiiffiup nunaqarfimmi sullivik uninngasoq nassuiarppaa, tassaasoq sullivik annertunerusumik ima pitsaassuseqartuusoq tunisinermut ammaassisinnaalluni, kisiannili suliaqarfiunani uninngaannartoq. Ilisimatitsissutigineqarportaaq, ingerlatseqatigiiffik siusinnerusukkut sullivinnik tunisaqartarsimasoq, kingullermillu Arsummi sullivik tunineqarsimasoq.

Saaffiginnissut isumaliutissiisummut tapiliussatut ilanngunneqarpoq.

Ilisimatitsinermik ataatsimeeqatigiinneq

Siunnersuutip ataatsimiititaliamit suliarineqarneranut atatillugu Aalisarnermut, Piniarnermut Nunalerinermullu Naalakkersuisumik ilisimatitsinermik Ataatsimiititaliaq ataatsimeeqateqarsimavoq. Ataatsimiinnermi Aalisarnermut, Piniarnermut Nunalerinermullu Naalakkersuisoq ilisimatitsivoq, paasisani malillugit Avannaani tunitsiviit tunisassiorfiillu piginnaasaat pisassiissutinut ataatsimullu isigalugu aalisarnermut naapertuuttuusut, kisiannili sikumik silamillu pissutsit tunisinermut, tunisassiornermut aalisarnermullu killiliisinnaasartut.

Aalisarnej pillugu inatsimmi § 22 a, imm. 1-imi, tunitsiviit nutaat pilersinneqarnerat kiisalu tunitsiviit/tunisassiorfiit pioreersut aalisakkanik allanik tunisassiornermik iml. nioqqutissiornermik allanngortitsinerat Naalakkersuisut akuerissagaat aalajangersarneqarpoq. Aamma paragraffimi tassani imm. 2-mi, namminersortut pisortalluunniit suliffeqarfiutaasa tunitsivinnik/tunisassiorfinnik matuneqartunik tigusinissaannut akornusersuutitut imm. 1 atorneqaqqusaanngitsoq aalajangersarneqarpoq. Aalisarnermut, Piniarnermut Nunalerinermullu Naalakkersuisup naqissuserppaa, tamanna taamaalilluni suliaqatit siuliani

taasat suliarineqarneranni mianersuutigineqartoq. Aamma Aalisarnermut, Piniarnermut Nunalerinermullu Naalakkersuisoq ataatsimiinnermi isummersornermi ilisimatitsivoq, ullumikkut nunatta sineriaani sumiiffinnik amerlasuunnik aalisarfiunngitsunik peqarsinnaammat, Naalakkersuisoqarfiullu tungaanit misileraalluni aalisarnermut qinnuteqaatit annertusarnissaannut peqataarusuttoqartoq.

Ataatsimiinnermut oqaasissat allattorsimaffiat isumaliutissiisummut tapiliunneqarput.

Ataatsimiititaliap siunnersuummik suliaqarnera

Aalisarnermik inuussutissarsiu tip suli ineriartornissaa Ataatsimiititaliap ataatsimut isigalugu tapersorsorpaa, isumaqarlunilu nunaqarfinni sulisoqarnermut aningaasarsiornermullu, ataatsimullu isigalugu inuiaqatigiinni ineriartornermut namminersortut suliniutaat niuernerme periarfissanik nutaanik pilersitseqataasinnaappata ajunngilluinnartuusoq.

Niuernikkut tungaveqartumik niueruteqarnikkullu piumasarisaasut naammaginartut tungavigalugit suliffeqarfinnik minnerusunik ineriartortitsinissamut aalisartunut naggataatigullu atuisartunut iluaqutaasumik assersuutigalugu akitigut, kiffartuussinikkut imaluunniit nioqutissianik assigiinngisitaartitsinikkut aalisarnermik ingerlatseqatigiiffinnut pioreersunut angisuunut unammillersinnaasunik aalisartut tungaviliisinnaassasut Ataatsimiititaliap kissaatiginartippaa. Taamaalilluni Ataatsimiititaliap paasisinnaavaa, sullivinnik nutaanik tamakkunanik aallarnisaanermi amerlasuunnik aningaasaliinissamik pinngitsoorani pisariaqartitsiffiusussatut naatsorsuutigisinnaasanik pilersitsinissamut sanilliullugu, suliffeqarfiit tamakku mikinerit aallarnisarneranni ilaatigut tunitsiviit tunisassiorfiillu pioreersut tiguneqarnissaat iluaqutaaratarsinnaasoq. Suliffiit uninngaratarsinnaasut tunniunneqassanngitsut Ataatsimiititaliap siunnersuuteqartoq tungaviatigut isumaqatigaa, kisiannili niuernerme akigititat niuernermilu piumasarisat tungavigalugit niuerutigineqassasut.

Tunitsiviup tunisassiorfiillu ataatsip imaluunniit tunitsiviit tunisassiorfiillu arlallit tuniniarneqarnissaa/tuniniarneqarnissaat Royal Greenland A/S-ip pisorta qarfanit aamma siulersuisuinit kissaatiginartutut nalilerneqarpat/nalilerneqarpata, aamma ingerlatseqatigiiffiup ingerlanneqarneranut, kiffartuussinermut isumaqatigiissutinut, piginneqataasunut, pisisartuinut aamma suleqataanut allanut atatillugu pisussaaffiit isumaqatigiissutaanullu allanut tamanna naapertuuppat, Ataatsimiititaliaq akornusersuerusunngilaq. Ataatsimiititaliali taamaallaat oqaatigissavaa, ingerlatsiviup nalinginnaasumik ingerlanneqarneranut, tamatumanittaaq tunitsivinnik tunisassiorfinnillu tuniniaaratarsinnaanermut Ataatsimiititaliaq aalajangiisinnaassuseqannginnami aalajangeerusunnanilu.

Ataatsimiititaliap paasivaa sammisami taasissutigineqartoq Naalakkersuisut killilerlugu suliasaannik ersarissumik nalunaatsumillu nassuiaasoq. Siunnersuummi taamaallaat

siunertarineqarpoq, Naalakkersuisut killilimmik misissuinermik aallartitsinissamut peqquneqassasut tunitsiviit tunisassiorfillu uninngasut Royal Greenland A/S-ip piginerai paasiniassallugit, aamma sulliviit tamakku namminersortunut tuniniarneqarnissaat Royal Greenland A/S-ip kissaatigineraa aammalu iluaqutaassasorineraa, tamanna niuernikkut piumasarisat tunngavigalugit pissappat.

Ataatsimiititaliaq isumaqarpoq, taasissutissatut sammisami apeqqutit saqqummiunneqartut annertuutigut Royal Greenland A/S-imit allakkatigut akineqartut. Allakkani ilisimatitsissutigineqarpoq, ingerlatseqatigiiffik sullivinnik uninngaannartunik pigisaqanngitsoq, siusinnerusukkullu sulliviit suliffeqarfinnut allanut tunineqartarsimasut. Ataatsimiititaliap tamanna ima paasivaa, Royal Greenland A/S tunitsivinnik/nioqqutissiorfinnik tuniserusuttoq, tamanna ingerlatseqatigiiffiup ingerlatsinerinut allanut ataqatigiissinneqarsinnaappat.

Ataatsimiititaliap maluginiarpaa, aalisartunut tunitsiveqarnermut periarfissat pitsaanerusut uteqqiasumik oqaluuserineqartartut, taamaalilluni aalisakkat allat qaleraliunngitsut tunineqarsinnaassammata. Matumani pineqarputtaaq Royal Greenland A/S-ip tunitsiviinik tunisassiorfiinillu uninngasunik tuniniaaratarsinnaaneranut, kiisalu sullivinni pioreersuni aalisakkanik allanik amerlanerusunik tunisassiornermik nioqqutissiornermillu allanngortitseratarsinnaanermut apeqqutit. Isummersorneq assersuutigalugu 2011-imi upernaakkut katersuunnermi Inatsisartunut ilaasortap Knud Fleischerip apeqquteqaat aallaavigalugu oqalissaarutaatigut saqqummiunneqarpoq, aamma piffissami kingullermi Arsummi tunitsiviup najukkami inissisimasup suliffeqarfingortinnissaanut Royal Greenland A/S-ip tunisinera pillugu tusagassiorfitsigut saqqummiunneqartukku. Ataatsimiititaliaq isumaqarpoq, tunitsiviit aamma tunisassiorfiit uninngaannartut tuniniarneqarnissaat pillugit kiisalu tunitsiveqarnissamut amerlanerusunik periarfissaqarnissamik matumanilu nioqqutissiat assigiinngisitaartinneqarsinnaanerannik apeqqutit ilaannik oqallinnermi saqqummiunneqartunik qulaajaanerit siunissami isummersoratarsinnaanermut ataatsimoortumik ilisimasaqarnissamut tunngaviliiumaarsinnaassasut.

Ataatsimiititaliap takusinnaavaa, pissutsit arlallit tunisinermut aamma nioqqutissiornermut nutaamik periarfissanut pingaaruteqartuusut, tamakkulu assersuutigalugu nioqqutissianik assigiinngisitaartitsinikkut aalisakkanik nioqqutissiorfiit akornanni unammilleqatigiinnermik pilersitsisinnaasut. Aalisakkat allat qaleraliunngitsut aalisarneqarnerat niueruteqarnermut aalisartunut soqutiginarnerisut, imaluunniit allanik nioqqutissiornermik allanngortitsineq tunitsivinnut aamma nioqqutissiorfinnut imminut akilersinnaanersoq pissutsinut aalajangiisuusinnaasuupput. Tunitsivinnik/nioqqutissiorfinnik pioreersunik pisinissamut imaluunniit nutaanik pilersitsinissamut inunnik iml. ingerlatseqatigiiffinnik namminersortunik peqarnerisut paasissallugu aamma pingaaruteqarpoq.

Oqaatigisat tamakku tunuliaqutaralugit qaleraliunnngitsunik aalisakkanik allanik, assersuutigalugu saarullinnik, tupissutinik, suluppaakkanik qeeqqanillu niuerutigalugillu soqutiginaratarsinnaasunik tunitsiveqarnermut aamma nioqqudissiornermut periarfissat annertusarneqarnissaannut periarfissanik ujartuinissamut Ataatsimiititaliap Naalakkersuisut kaammattussavai. Suliap tamatuma ingerlanera pillugu Ataatsimiititaliap ilisimatinneqartarnissani qilanaaraa.


Ataatsimiititaliap inassutai


Ataatsimiititaliap isumaqatigiittup siunnersuut itigartitsissutigineqassasoq inassutigaa

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappasaaniigassanngortippaa.




Aqqaluaq B. Egede,
Siulittaasoq



Hans Aronsen


Hans Enoksen


Finn Karlsen


Karl Lyberth


Michael Rosing


Peter Lyberth



Aalisarnermut, Piniarnermut Nunalerinermullu Ataatsimiititaliaq

ILANNGUSSAQ

1

UPA 2012-imi immikkoortoq 76 pillugu atortussat

Matumuuna atortussat ataatsimiititaliap immikkoortup 76-ip suliarinerata nanginnissaanut atatillugu atugassai nassiunneqarput. Atortussanut ilanngussat nassiunneqartunut ilaapput allakkat ulloq 29. marts 2012 kiisalu 20. april 2012 -meersut.

Malugeqquneqassaaq ulloq 29. marts 2012-imi allakkani tunisassiorfiit marluunerarneqarmata, taakkuli kingusinnerusukkut Arsummi tunisassiorfik tunineqarmat pingasunngorput.

24. apr 2012
Sagsnr. 2012-064059
Dok. Nr. 889973

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.nanoq.gl

Inussiarnersumik inuulluaqqusillunga


Kuupik Kleist

Ilanngussat

Ilanngussaq 1 Allakkat akissutit 29. marts 2012-imeersut

Ilanngussaq 2 Allakkat akissutit 20. april 2012-imeersut

Ilanngussaq 1



ALLAKKAT E-MAILIKKUT NASSIUSSAT

Kalaallit Nunaanni Namminersorlutik Oqartussat
Ingerlatseqatigiiffiit Siulersuisuinut Allattoqarfik
3900 Nuuk

29. marts 2012

UPA 2012/76 Nunaqarfinni tulaassuivinnilu tunisassiorfiusuni tunisassiorfiit uninggaannartut Royal Greenland A/S-imit namminersorumasunut tuniniaasoqarsinnaanersoq pillugu misissuisoqarnissanik Inatsisartut aalajangiiffigisassaattut siunnersuut.

Kajumissaarinersi malillugu oqaaseqaatit ataaniittut siunnersuutip Naalakkersuisunit suliarineqarnissaanut saqqummiuppagut.

Siunnersuummi taassumalu tunngavilersuutaani atuarneqarsinnaavoq siunnersuuteqartup Royal Greenland A/S-ip nunaqarfinni tulaassuviit tunisassiorfillu pigisai pigai.

Tamanna eqqunngilaq. Nunaqarfinni tunisassiorfiit Royal Greenland A/S-imit pigineqartut ingerlanneqarnissaanni nunaqarfinni aalisarsinnaanerata periarfissaanera tunngaviuvoq.

Ukiut arlallit matuma siorna Royal Greenland A/S-ip nunaqarfinni tunisassiorfiit tamaasa nunatsinniittut pigisarai. Tamanna Nuka A/S-ip, nunaqarfinni tunisassiorfinnik amerlasoorpassuarnik piginnittup, pilersinneqarneranut atatillugu allanngorpoq. Ilisimaneqartutut Nuka A/S Royal Greenlandimit Kalaallit Nunaanni Namminersornerullutik Oqartussanut tunineqarpoq, taakkualu kingusinnerusukku Nuka A/S KNI A/S-imut tunivaat. Ukiualunni piginnittooreerluni KNI-p nunaqarfinni tunitsiviit tamaasa tunivai. Taakkunannga Royal Greenlandip 10-t pisarai, allallu 14-it allanit pisiarineqarput.

Tunisassiorfiit, Royal Greenland A/S-imit pisiarineqartut, tamarmik suli ingerlanneqarput - arfineq pingasut suli Royal Greenland A/S-imit pigineqartut, tunisassiorfiillu marluk ingerlatseqatigiiffimmut allamut tunineqarsimapput. Royal Greenland A/S-ip tunisassiorfii Kalaallit Nunaanni Namminersorlutik Oqartussanik kiffartuussinermut isumaqatigiissut, 2014-ip tungaanut atuuttoq, tunngavigalugu ingerlanneqarput. Ukioq manna tapiissutit DKK 9,5 mio.-inut appartinneqarsimapput, aappaagulu aamma appartinneqaqqissallutik.

Taamaattumik siunnersuutigineqartutut nunaqarfinni tunisassiorfiit, Royal Greenland A/S-imit pigineqartut, misissorneqarnissaannut tunngavissaqarsorinngilanga.

Royal Greenland A/S
Postbox 1073
Qasapi 4
GL-3900 Nuuk
Tlf: 36 13 00
Fax: 32 33 49

Tunisassiorfiit ilaat, Royal Greenland A/S-imit pigineqartut, ilaasa matoqqanerat ingerlanneqaqqilernissaalluunnit siunertaralugu Innuttaasunut tunineqarnissaannut periarfissaqarnersoq ilisimatitsissutigisinnaanngilarput.

Tamatuma misissorneqarnissaa kissaatigineqarpat, Royal Greenland A/S taamatut misissuinnissamut peqataasinnaavoq.

Inusslarnersumik inuulluaqqusillunga

Mikael Thinghuus
Pisortaneq

I lannussaq 2



E-MAIL ATORLUGU ALLAKKAT

Namminersorlutik Oqartussat
Siulersuisut allattoqarfiat
3900 Nuuk

20. april 2012

UPA 2012/76 Nunaqarfinni tulaassuivinnilu tunisassiorfiusuni tunisassiorfiit uninngaannartut Royal Greenland A/S-imit namminersorumasunut tuniniaasoqarsinnaanersoq pillugu misissuisoqarnissanik Inatsisartut aalajangiiffisassaattut siunnersuut – allakkatsinnut 29. marts 2012-imeer-sunut ilassuteqaat.

Ippassaq nunaqarfimmi Qaarsuni tunitsivik pillugu Inatsisartuni saqqummiunneqartumut innersuussilluta, Royal Greenland A/S-imit pigineqartumut, imaattunik allakkatsinnut 29. marts 2012-imeersunut ilassuteqassaagut.

I. Piginnittuunermut tunngasut

Ukiuni kingulliunerusuni tunitsiviup taassuma oqaluttuassartaa pillugu nalunaarutigineqarsinnaavoq, 2005 tikillugu pigineqarmat ingerlatseqatigiiffimmit namminersortunit pigineqartumik Sisimiut Seafood A/S-imit, taakkualu aalisakkerivik ingerlatseqatigiiffimmut Nuussuaq Fish ApS-imut tunivaat, taanna inuinnarnik Royal Greenland A/S peqatigalugu pigineqartoq.

Aallaqqaammut Royal Greenland A/S-ip Nuussuaq Fish ApS 25%-imik pigivaa, 2008-imili ingerlatseqatigiiffimmi namminersortutut peqataasunit piginneqatigiissutit tigullugit, tamannalu nalinginnaasumik pillugu isumaqatigiissuteqarneq tunngavigalugu pivoq.

2009-ip ukiaani Qaarsuni aalisakkerivik Royal Greenland A/S-imut tunniunneqarpoq, taamanmililli aalisakkerivimmit piginnittusoq.

II. Najukkami ingerlatsisunut tunniussisinnaaneq pillugu eqqarsaatersuutit.

Royal Greenland A/S-ip aamma Uummannap eqqaani najukkami ingerlatsisut akornanni oqaloqatigiittoqartarsimavoq tunitsiviup taassuma tiguneqarsinnaanera pillugu, taamaasiornissarli pillugu isumaqatigiissuteqarnermik kinguneqanngitsumik.

Royal Greenland A/S
Postbox 1073
Qasapl 4
GI-3900 Nuuk
Tlf: 36 13 00
Fax: 32 33 49

Aalajangersimanagerusumik nalunaarutigineqarsinnaavoq, Royal Greenland A/S ulloq 27. oktober 2008 taamanikkut Uummannaq Kommuniusumut aalajangersimasumik isumaqatigiissuteqarnissaq pillugu missingiummik nassiussaqaqarmat, tassalu najukkami ingerlatseqatigiiffiup pilersinniarneqartup aalisakkerivik tigusinnaagaa. Tigusinissarli piviusunngunngitsoorpoq, allaaserineqartulli takutippaa, Royal Greenland A/S tunniussinissamat allaaserineqartutut isummernikuusimasoq.

Maannakkut siunertarineqanngilaq aalisakkeriviup taassuma tunineqarnissaa, tassami nalinginnaasumik ingerlanneqassamat najukkami pissutsit kingunerisaannik periarfissaasut atorlugit.

Ilanngullugu nalunaarutigineqarsinnaavoq, Niaqornani tunitsivik taassuma qanittuani inississimasoq namminersortunut pisiumasunut tunineqarmat 2010-mi.

III. Aalisakkerivimmi ingerlanneqartartut.

Ukioq manna aalisakkerivimmut nipsisat suaat tunineqarsinnaassapput nipsisanniernerup aallartisarneraniit tamannalu pisinnaassaaq sikukkut pissutsit taamaasiorneq ajornarunnaarsippassuk. Aalisakkerivik tamakkiisumik taamaasiornissamat atorsinnaassuseqarpoq taamaareersimallunilu kingullermik aasamilili.

Taamatuttaaq siorna pilersaarutaasimavoq aalisakkerivimmut nipsisat suaannik tunioraanissaq, tamannali piviusunngortinneqarsinnaasimanngilaq nunaqarfimmut piffissaagallartillugu atortussat pisariaqartinneqartut apuutinngitsoornerat pissutigalugu.

Soorlu immikkoortoq II-mi qulaani taaneqartutut, nalinginnaasumik taamaasilluni siunissami aalisakkerivimmi ingerlatsisoqartassaaq.

Tamanna tunngavigalugu Qaarsuni aalisakkerivik matuneqarsimasutut isiginngilarput, taamaattumillu tamanna oqaatigisimanatigu allakkatsinni 29. marts 2012-imeersuni.

Paasinernerussamat aammaarlugu oqaatigeqqissinnaavarput, allanik matuneqarsimasunik nunaqarfimmi aalisakkeriviteqannginnatta tassa imaappoq aalisakkeriviit pingarnerusutigut ima pissusillit, tunitsivigineqarnissaminut ammarneqarsinnaallutik, uninngaannartulli ingerlatsiviunatik.

IV. Naggataarutaasumik oqaaseqaatit.

Erseqqissaatigineqassaaq, kissaatiginnginnatsigu Naalakkersuisut Inatsisartulluunniit eqqunngitsunik ilisimatinneqarnissaat, oqaatigineqartutullu isumaqanngilagut, taamaasiorsimalluta. Paarlattuanik Qaarsut aamma Royal Greenland A/S-imut tunngasunik allanik sukumiinersumik paasissutissanik saqqummiussaqaqarusussinnaavugut, tamakku kissaatigineqassappata.

Inussiarnersumik inuulluaqqusillunga

Mikael Thinghuus
Pisortaanerpaaq.



**Inatsisartut Aalisarnermut, Piniarnermut Nunalerinermullu Ataatsimiititaliaat
Ataatsimiititaliap siullittaasua Aqqaluaq B. Egede
/MAANI**

ILANNGUSSAQ 2

Ulloq 16. april 2012 nal. 10.00 Inatsisartut Aalisarnermut, Piniarnermut Nunalerinermullu Ataatsimiititaliaanik paasititsissilluni ataatsimiinneq

03. maj 2012
Sagsnr. 2012-065673
Dok. Nr. 897666

Postboks 289
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Ilisimatitsissilluni ataatsimiinnissamut atugassatut ataatsimiititaliaq apeqqutinik arlalinnik nassiussivoq, taakkulu matumuuna imatut akineqarput:

A) Kalaallit Nunaata Kitaani Sisimiuniit Avannamut tunitsiviit nioqqutissiorfillu akuersisutininik sunik tunineqarsimanersut Aalisarnermut Piniarnermut Nunalerinermullu Naalakkersuisup ilisimatitsissutigisinnaavaa? Ilisimatitsissutigeqquneqarportaaq suliffinni aalisakkat aamma uumasut suut tunineqarsinnaanersut aamma nioqqutissiarineqarsinnaanersut?

Sisimiuniit avannamut tunitsiviit tunisassiorfillu pillugit takussutissiaq ilannguppara, tassunga ilanngullugit tunisassiorfinnut suut pingaarnertut tunineqartarnersut tunisassiarineqartarnersullu pillugit paasissutissat. Aalisakkat uumasullu suut tunisassiorfinni ataasiakkaani tunineqarsinnaanersut sukumiisumik paasissutissiissutigineqarsinnaanngillat, tassa taamaallaat Royal Greenlandimut tunisat pillugit kisitsisit LULI-mi kisitsisinik pissarsivigineqartartumi maannakkugallaq sulliarineqarsimmata nalunaarsorneqarlutillu. Kisitsisit maannakkut paasiarnersaat siviluujussaaq, taamaallillunilu akissuteqarnissamut killissaritinneqartup iluani paasissutissiissutigineqarsinnaanatik.

B) Aalisarnermut Piniarnermut Nunalerinermullu Naalakkersuisoq isumaqarpa, tunitsivinnit aamma nioqqutissiorfinnit tulaassuinermi tunisinermut paasissutissat (nalunaarut nr. 16, 2011.meersoq naapertorlugu) tunuliaqataralugit tunitsiviit nioqqutissiorfillu ilumut ataavartumik tunisinermik nioqqutissiornermillu ingerlataqarnersut? Imaluunnit suliffiit ilaqarpat ukiuni kingullerni tunisinermik imit. nioqqutissiornermik ingerlatsisimanngitsunik?

Isumaqarpunga siku silallu pissusaat ajornanngitsitsisinnaatillugit pisassiissutillu nungunneqarsimannippata tunitsiviit tunisassiorfillu ingerlaavartumik tunitsivigineqartartut tunisassiorarlutillu. Aammattaaq nunaqarfinni tunisassiorfinni mikinerusuni tunisisinnaaneq tunisassiorsinnaanerlu qulakkeerniarlugit Naalakkersuisut aamma Aningaasaqarnermut Ataatsimiititaliap akuerisaanik Royal Greenlandimut aamma Arctic Green Foodimut sullissinissamut isumaqatigiissusiortoqarnikuuvoq.

C) Aalisarnermut, Piniarnermut Nunalerinermullu Naalakkersuisoq isumaqarpa, Kitaani Sisimiuniit avannamut avataasiorluni aamma sinerissap qanittuani aalisarnermi assersuutigalugu saarullinnik, assagiarsunnik aamma tupissutinik pisassiissutit nioqqutissiorfinni naammassisinnaasanut naapertuunnersut? Arlaatigut

*aalisagaqarpa/uumasoaqarpa tunisassiarineqarsinnaasut sinnerlugit aalisar-
neqarsinnaagunartunik?*

Isumaqaarpunga aalisakkat taaneqartut sumiiffimmi tassani aalisarneqartut aamma sumi-
iffimmi aalisakkat allat aalisarneqartut tunisassiorfiit tunisassiorsinnaassusiannut naap-
ertuuttut, ukioq manna ukiuunerani misigisatsitut aalisariutit tunisassiorfinnut ingerlasin-
naanerat silap pissusaanik akornuserneqartinnagu. Aalisartut ataasiakkaat pisoq aala-
jangersimasoq aallaavigalugu saaffiginnittarnerat eqqaassanngikkanni tunisassiorfinit
aalisartunillunnilluunnit ilisimatinneqanngilanga tunisassiorfinni pisiortorsinnaassuseq
tunisassiorsinnaassuserlu ataatsimut isigalugu amigartoq. Tamanna pillugu paasissutis-
sat annertunerusut inuussutissarsiorfinit pissarisiarineqarsinnaassapput.

*D) Aalisarneqarsinnaasut ilaannut (nunap immikkoortuini) pisassaaratarsinnaasunut
atatillugu, tamatumani suliffeqarfiit aallarnisarnerinut/tunniunneqarnerinut, aalisar-
neqarsinnaasunik allanik tunisinerup imaluunniit nioqutissiornerup allanngortinne-
qarnerinut, inuussutissarslutinik tapiisarnermut il.il. atatillugu
nioqutissiarineqarsinnaasut naammassineqarsinnaasunut atuuttunut aamma
inatsisitigut piumasaqaatinut atatillugu, namminersortut tunitsivinnik aamma/imaluunniit
nioqutissiorfinnik ingerlatsisinnaanerinut Aalisarnermut, Piniarnermut Nunalerinermullu
Naalakkersuisoq periarfissanik imaluunniit killiliinermik tikkuussisinnaava?*

Aalisarneq pillugu inatsimmi 22a, imm. 1 malillugu tunitsivinnik nutaanik sananissaq
periarfissaqarpoq. Tamassumanili Naalakkersuisut akuersinissaat piumasaqaataavoq,
ukiunilu kingullerni akuttunngitsumik tunitsivinnik/tunisassiorfinnik nutaanik pilersitsinis-
sanik akuersissuteqartarnikuupput imaluunniit tunitsivinni/tunisassiorfinni pioreersuni
aalisakkat allat tunineqarsinnaanngortillugit imaluunniit tunisassiarineqarsinnaanngortil-
lugit allannguinnissamik akuersisarnikuullutik. Aammattaaq paragraffimi imm. 2-mi ersip-
poq suliffeqarfiit namminersortut pisortanilluunniit pigineqartut tunisassiorfinnik matune-
qarnikunik tigusinissaasa pinngitsoortinniarnanumut imm. 1-imi aalajangersagaq
atorneqarsinnaasoq, Naalakkersuisullu taamaalillutik suliat tamakku suliarineqarneranni
tamanna isiginiartarpaat.

E) Qulaani apeqqutinut atatillugu attuumassuteqartunik allanik ilisimatitsisoqarsinnaava?

Allanik oqaaseqaatissaqanngilanga.

Inussiarnersumik inuulluaqqusillunga



Ane Hansen

Ingerlatsivik	Illoqarfik-Nunaqarfik	Tunisat	Sullissinissamut isumaqatigiissut 2012
Sisimiut Fish ApS	Sisimiut	Saarullit, aalisakkat allat, suaat	
ARCTIC GREEN FOOD A/S	Attu	Aalisakkat	Aap
ARCTIC GREEN FOOD A/S	Ikamiut	Aalisakkat	Aap
ARCTIC GREEN FOOD A/S	Qaanaaq	Mattak, qalerallit	Aap
Halibut Greenland ApS	Ilulissat	Qalerallit	
KNT ApS	Niaqornat	Aalisakkat, nunagisami tunisass.	
Qeqertaq fish	Qeqertaq	Qalerallit	
Rodebay Fisk ApS	Ilimanaq	Qalerallit	
Rodebay Fisk ApS	Ilulissat/Oqaatsut	Qalerallit	
Royal Greenland A/S	Kangaatsiaq	Saarullit, suaat	Aap
Royal Greenland A/S	Sisimiut	Saattuat, raajat	
Royal Greenland A/S	Ikerasak	Qalerallit	
Royal Greenland A/S	Ikerasaarsuk	Saarullit, suaat	Aap
Royal Greenland A/S	Ilulissat	Qalerallit, raajat	
Royal Greenland A/S	Niaqornaarsuk	Saarullit, suaat	Aap
Royal Greenland A/S	Qaarsut	Suaat	
Royal Greenland A/S	Nuugaatsiaq	Qalerallit	
Royal Greenland A/S	Qasigiannuguit	Qalerallit, aalisakkat allat, suaat	
Royal Greenland A/S	Qeqertarsuaq	Saattuat, saarullit, suaat	
Royal Greenland A/S	Saqqaq	Qalerallit, aalisakkat allat	
Royal Greenland A/S	Saattut	Qalerallit	
Royal Greenland A/S	Ukkusissat	Qalerallit	
Royal Greenland A/S	Uummannaq	Qalerallit	
Polar Rajat A/S	Aasiaat	Raajat	
Upernavik Seafood	Innaarsuit	Qalerallit	
Upernavik Seafood	Kangersuatsiaq	Qalerallit	
Upernavik Seafood	Kullorsuaq	Qalerallit	
Upernavik Seafood	Nutaarmiut	Qalerallit	
Upernavik Seafood	Nuussuaq	Qalerallit	
Upernavik Seafood	Tasiusaq	Qalerallit	
Upernavik Seafood	Upernavik	Qalerallit	
Upernavik Seafood	Upernavik Kujalleq	Qalerallit	
Upernavik Seafood	Aappilattoq	Qalerallit	
Uummannaq Seafood	Illorsuit	Qalerallit	



INATSISARTUT

modtaget 30/4 kl.
15 35
Gerde

Aalisarnermut Piniarnermut Nunalerinermullu Naalakkersuisoq
Ane Hansen
/MAANI

Ulloq 30. april 2012
Sags.nr.: 01.36.01.05-00093

Inatsisartut Aalisarnermut, Piniarnermut Nunalerinermullu Ataatsimiititaliaallu paasisutissilnermik ataatsimeeqatigilinnissamut aggersaaneq

Inatsisartut Aalisarnerput Piniarnermut Nunalerinermullu Ataatsimiititaliaat sinnerlugu ulloq 3. maj 2012 nal. 10-11 Inatsisartut ataatsimiittarfiani 2-imi paasisutissiinermik ataatsimeeqatigiinnissamut matumuuna Naalakkersuisoq Ane Hansen aggersarpara.

Ulloq 27. april 2012 ataatsimiinnermini UPA 2012-imi imm. 76 Ataatsimiititaliamut suliassatut innersuussaqt Ataatsimiititaliap isummersorfigaa. Stunnersuummi siunertaavoq suliffiit Royal Greenland A/S-ip pigisai uninngaratarsinaasut amerlassusaannik misissuinissap aallarnissaa, aamma taamaattoqassappat tamakku tunineqarmissaat kissaatiginarnersoq aamma iluaqutaassanersoq pillugu ingerlatseqatigiiffik isumaqarnersoq pillugu.

Ataatsimiititaliaq isumaqarpoq suliffeqarfii akornanni assersuutigalugu akinut, kiffartuussinermut aamma nioqqutissiat assigiinngisitaamerinut atillugu unammillerneq aalisartunut atuisartunullu iluaqutaassinnaasoq. Avannaani aalisarneq nioqqutinik kisermaassinertut pissuseqarsinnaavoq, tamatumani qaleralik pingaarnertut isertitsiffiusarami. Tamatumunnga atatillugu aalisakkat allat aalisarneqarnerat inuussutissarsiutinik ineriartortitsinermut periarfissaasinnaanersut kiisalu tunisinermut nioqqutissiornermullu periarfissaqarnersoq Ataatsimiititaliaq isummersorpoq.

Tamanna tunuliaqutaralugu apeqqutit uku akineqarmissaat Ataatsimiititaliap kissaatigaa:

A) Kalaallit Nunaata Kitaani Sisimiuniit Avannamut tunitsiviit nioqqutissiorfillu akuersissutik sunik tunineqarsimanersut Aalisarnermut Piniarnermut Nunalerinermullu Naalakkersuisup ilisimatitsissutigisinnaavaa? Ilisimatitsissutigeqquneqarportaaq suliffinni aalisakkat aamma uumasut suut tunineqarsinnaanersut aamma nioqqutissiarineqarsinnaanersut.

B) Aalisarnermut Piniarnermut Nunalerinermullu Naalakkersuisup isumaqarpa, tunitsivinnit aamma nioqqutissiorfinnit tulaassuinemi tunisinermut paasisutissiissutit (nalunaarut nr. 16, 2011-meersoq naapertorlugu) tunuliaqutaralugit tunitsiviit nioqqutissiorfillu ilumut ataavartumik tunisinermik nioqqutissiornermillu ingerlataqarnersut? Imaluunniit suliffiit ilaqarpat ukiuni kingullerni tunisinermik imlt. nioqqutissiornermik ingerlatsisimangitsunik?



INATSIARTUT

C) Aalisarnermut Piniarnermut Nunalerinermullu Naalakkersuisoq isumaqarpa, Kitaani Sisimiuniit Avannamut avataasiortuni aamma sinerissap qanittuani aalisarnermi assersuutigalugu saarullinnik, assagiarsunnik aamma tupissutinik pisassiissutit nioqutissiorfinni naammassisinnaasanut naapertuunnersut? Arlaatigut aalisagaqarpa/uumasoaqarpa tunisassiarineqarsinnaasut sinnerlugit aalisarneqarsinnaagunartunik?

D) Aalisarneqarsinnaasut ilaannut (nunap immikkoortuini) pisassaaratarsinnaasunut atatillugu, tamatumani suliffeqarfiit aallarnisamerinut/tunniunneqarnerinut, aalisarneqarsinnaasunik allanik tunisinerup imaluunniit nioqutissiomerup allanngortinneqarneranut, inuussutissarsiutinik tapiisarnermut il.il. atatillugu nioqutissiarineqarsinnaasutut naammassineqarsinnaasunut atuuttunut aamma inatsisitigut piumasaqaatinut atatillugu, namminersortut tunitsivinnik aamma/imaluunniit nioqutissiorfinnik ingerlatsilersinnaanerinut Aalisarnermut, Piniarnermut Nunalerinermullu Naalakkersuisoq periarfissanik imaluunniit killiliinermik tikkuussisinnaava?

E) Qulaani apeqqutinut atatillugu attuumassuteqartunik allanik ilisimatitsisoqarsinnaava?

Paasissutissiinermik ataatsimeeqatigiinnerup nalaani qulaani sammisanut atatillugu oqaloqatigiittoqarsinnaanera aamma malitseqartitsilluni itisiliillunilu apeqquteqartoqarsinnaanera naatsorsuutigineqassaaq.

Oqaatigisassanut tunngavissiortoqassappat taassuma assilinera Ataatsimiititaliap qinnutigaa. Kalaallisut qallunaatullu oqaatigisassanut tunngavissiaq qarasaasiakkut uunga nassinneqarsinnaavoq: julie@inatsisartut.gl

Oqaatigisassanut tunngavissiaq nassarneqassappat qallunaatuaa Ataatsimiititaliap oqaluttaanut paasissutissiinermik ataatsimeeqatigiinnerup aallartinnerani tunniuteqquneqarpoq.

Inussiarnersumik inuulluaqqusillunga


Aqqaluaq B. Egede

Ataatsimiititaliami siulittaasoq
Inatsisartut Aalisarnermut Piniarnermut Nunalerinermullu Ataatsimiititaliaat